

中華民國四年七月九號

湖南巡按使署政報處發行官書報局印

# 湖南政報

本報廣告價目原以四號字爲標準如用三號字加半二號字加倍特此聲明

本報爲提倡實業起見特稟准自七月一日起仿照政府公報及各省公報例於後幅增添營業廣告一門凡各官署官私立學校與各界商民人等欲登廣告事件請查本報登載之廣告條例至本公司署政報發行所暨南門外上碧湘街皖南沈宅接洽可也特啓

附登廣告條例

一凡登廣告者須先錄稿送經本處核定後方可照載如確有與行政上有所觸犯抵觸之處概不登載

一凡各官署及多官有事業機關之廣告向登一日者依公布例不收刊費一日以外仍繼續登載一律收費

一凡廣告登載地位保在本報末後均用四號字如須刊大字圖畫照所佔地位面議

一告白登載三日起碼第一日每字三文第二日每字二文三日以後每字一文滿月七折一月以後六折

一凡登廣告照章先繳刊費一律無扣如縮短期限刊費不退未繳費者恕不登載

一凡登載廣告者隨送本處政報一本一星期內不另取資

湖南政報目錄

電令

大總統策令

京急電

大總統申令

京急電

外交

巡按使飭各縣知事保護日商櫻井幸三郎本間光民巡駐由

內務

巡按使飭衡陽道尹承准 內務部咨行前清嘉禾縣鱗麟典史何永清死事情形著付清史館一案由

巡按使咨陳 內務部據陳懋功稟請給咨赴部考詢由

巡按使咨陳 內務部據桂陽縣詳復查明巡警何智深緝捕得力請轉咨核獎由  
巡按使呈 大總統據辰沅道尹吳躍金詳為奉令授官感激下忱請轉呈由

巡按使批湘江道尹據攸縣知事詳復釐局詳報痞徒胡爾恩等聚衆鬧局一案由

巡按使批水警廳詳請取消水警講習所名目由

巡按使批財政廳詳復信陽軍需局採運軍米擬請咨 部轉衡停蓮由

巡按使批兩警廳會詳傷兵行乞請予特沛恩施由

巡按使批武陵道詳送警察學員曾紀華三名請示遣由

湖南巡按使批衡陽道尹詳衡山災情奇重請續頒賑款由

巡按使批衡陽道尹詳賚桂陽縣禁烟查緝所辦事細則由

巡按使批鳳凰知事詳請電飭芷江知事給發省倉穀穎以救兇荒由

巡按使批新化知事詳報到任日期并地方大概情形由

巡按使批攷取承審員張錫爵稟懇變通飭委由

國民會議事務局籌備立法院事務局來電

### 司法

巡按使批湘陰范會高稟報劉貞仕等謀死伊子范中砥一案案重法輕由

巡按使批行辰沅道尹據鳳凰知事詳報黑土寨龍老蔣等家被匪燒搶情形由

巡按使批行湘江道尹據湘潭譚吉庭等稟爲言三等殺斃伊弟一案飭縣立予訊結由

巡按使批衡陽道尹據新田縣知事詳報勘驗何貞祥家被盜情形由

### 教育

巡按使飭各道尹知事校長准 教育部咨准財政部咨送旅費支付各項冊式請查照由

巡按使督覆審計院送湖南省各教育機關三年度收支預算簡明冊由

巡按使批茶陵知事高綱京詳報捐資興學據情轉詳詰給獎由

巡按使批私立楚怡甲種工業學校詳賚金工學生畢業冊請查核轉咨由

巡按使批中華書局局長陸費逵呈小學教員講義懇提倡採購由

巡按使批中華書局局長陸費逵稟呈樣書懇飭各處採用由

巡按使批衡陽縣知事據衡陽王鎮南等稟嶽屏高等小學校校長黃騏瀨職敗學請查撤由

巡按使批寧鄉知事甘鵬展詳爲陳報講演團業已遵飭設立由

巡按使批辰沅道詳核復中校應否改設洪江一案乞示由

### 雜 件

長警記憶戶口規則 (續)

宣告脫黨 (三則)

湖南政報

七月九號

# 電令

大總統策令

電京

謝宗華授爲上大夫此令

嚴家熾唐宗愈均授爲上大夫此令

陸軍部呈請將京兆警備隊勦匪出力之李壽庚授爲陸軍步兵中校並加上校銜高青山授爲陸軍步兵少校並加中校銜應照准此令

陸軍部呈請將周浚溥授爲二等軍法正應照准此令

大總統申令

電京

憲法起草爲約法上制定憲法程序之一現據參政院呈報業經依法推舉李家駒汪榮寶達壽梁啓超施愚楊度嚴復馬良王世澍曾彝進爲憲法起草委員自應由委員依法組織憲法起草委員會所有該會紀錄事務暨一應庶務著派林長民辦理此令

近世國家政治愈修明者其財政愈發達我國財政沿數千年閉關自守之故轍本無足稱加以改革之始綱紀蕩然粵贛皖湘等省尤爲蠹窟捲逃國歟濫發軍票剗奪民財地方元氣用是蕭條國家財政益形竭蹶積困至今尙不易復顧京外行政經費與軍隊餉需關係全國治安又未能過於節縮而本年國外應付之本息如前清時借款賠款與民國初年南北借款統計不下一萬五千餘萬內恐肇亂而啓人以口實外恐破產而授人以太阿絕續存亡千鈞一

髮不得不整理收入以救國衛民獨是大難初平瘡痍滿目極思解除煩苛與民休息奈時會所迫不能效輕徭薄賦之爲反覆籌思與其斬一時之擔負使償債失期政費無出內憂外患貽民以危國基一有動搖吾民益滋痛苦兩害取輕毋寧使國勢安全人民終有樂利之一日此區區苦衷可與人人開誠而道者也自上年春間誓不復借外債以供消耗迭由財政部督飭經征官吏整頓舊稅推行新稅近來頗有起色外債得以支付國中秩序亦勉可保持危亡之憂庶幾獲免人民愛國程序日高踴躍輸將深堪嘉尚至經征官吏受國付託所當顧念大局体恤民情潔已奉公以昭清白確遵部定規制實力奉行其有巧立名目額外浮收舞弊營私肆意婪缺無不立予懲處以儆貪墨該官吏等當知時局顛危至此非切實講求財政不能保國安民然須体察情形權度輕重酌量緩急倘或奉行不善或假公濟私則病國殃民此等官吏實尸其咎夫圖利所以肥身國之不存身於何有徇財必至觸法身且不保財將安歸卽不自問天良豈竟不知利害凡有理財之責者務体政府萬不得已然後取民之苦心嚴自檢束慎防中飽一絲一粟皎然不欺並隨時接見商民詳明開導惠而不費信而後勞上下一心悉除畛域毋負予瘡口曉音再三誥諭之意將此通令知之此令

前據肅政史張超南等呈劾蒙藏院積弊甚深據實糾彈迭派員查辦一案當交內務總長朱啓鈴財政總長周學熙會同確查在案茲據朱啓鈴周學熙呈稱該院總裁貢桑諾爾布被劾各節或係誤會或係傳訛雖其馭下過寬未免貽人口實然平日持躬端謹心跡無他要爲識

者所共諒應請免議參事文斌司長李詭辦事員王廣森管理員陳玉庭均屬咎有應得擬請准予分別懲處等語貢桑諾爾布既據查明被劾各節均非實情應准免予置議王廣森出身微賤聲名惡劣陳玉庭職務管理不能勝任均著立予撤換文斌李詭互相結納排斥異已跡近把持致爲衆人所側目著交文官高等懲戒委員會依法議處以肅官方嗣後該院一切事宜應責成該總裁隨時整頓切實進行用人一途尤宜格外審慎以期廓清積弊共砥廉隅毋負倚任此令

署陸軍總長王士珍靖武將軍督理湖南軍務湯鄉銘上海鎮守使鄭汝成等先後呈稱劉文錦孫萬乘郭慶藩孫師教李摒久王慶雲程登榮楊靄青卽楊冠英劉煌然周果一等遵令具結悔罪自首據情請予特赦等語劉文錦等既據查明悔罪自首出於眞誠應按照附亂自首特赦令准予特赦以示寬典此令

右七月六日電

謹按

大總統命令本報係照京電號碼譯登間或電碼有誤關係甚大應俟政府公報寄到隨時

查對更正

七月九號

四

# 外交

飭

湖南巡按使公署飭

爲飭行事案據特派湖南交涉員詳稱案准湖北交涉署咨開准駐漢日本總領事函送護照一紙內開據本國商人櫻井幸三郎稟稱由漢前赴湖北湖南江西河南等省遊歷限十三個月將護照繳消又准函送護照一紙內開據本國商人本間光民稟稱由漢前赴湖北湖南江西等省遊歷限十三個月將護照繳銷各請蓋印前來除將護照分別加印送還給領外咨請飭屬保護各等因准此理合具文詳請鈎署俯賜查核通飭各屬一體照約保護以篤邦交如沿途有不靖情形務由各該地方官勸阻該外人等勿任貿然前進期免疏虞實爲公便等情據此除分別飭行外合行飭仰該知事卽便遵照辦理切切此飭

巡按使陶思澄

右飭各縣知事

准此

湖南巡

按使印

中華民國四年七月二日



內務

湖南巡按使公署飭

爲飭知事四年六月二十八日承准內務部咨開准咨開前清嘉禾縣知事鍾麟典史何永清  
死事情形訪查屬實自應呈請一併宣付清史館立傳以闡幽光而順輿情除具呈陳請並咨  
呈政事堂外相應據情開摺咨部查核等因到部查此案業於五月二十二日奉 大總統  
批交清史館相應錄批咨復 貴使查照可也計附鈔一件等因承准此查此案前據該道尹  
查明詳復當經劉前使批示並咨陳在案承准前因合行飭仰該道尹轉飭查照此飭

計抄件

湖南巡按使陶思澄

右飭衡陽道尹

准此

中華民國四年七月二日

巡按使咨陳 內務部文

爲咨陳事六月四日政府公報登第四期知事試驗委員長章宗祥呈報審查保薦縣知事免  
試各案情形分別准駁造冊請鑒一案奉 大總統批令呈悉交內務部查照辦理並由政

事堂飭銓敘局查照各冊並發此批等因奉此並於六月十三日政府公報刊登劉前巡按使  
保薦案內人員名單到湘當經轉飭知照去後茲據陳懋功稟請給咨赴京考詢前來相應備  
文咨陳 大部察核施行爲此咨陳

內務總長朱

巡按使咨陳 內務部文

爲咨陳事案據桂陽縣知事陳思材詳稱案查警察獎章第一條第六款內載照本六月三日原詳敘至可否  
准予轉咨核獎之處出自鴻慈施行等情附賈清摺一份到署查該縣警佐何俊於上年十一  
月內率同長警歐道成何智深等拿獲在逃兇犯經該知事判處無期徒刑並詳由高等審判  
廳復判定有案核與條正警察獎章第一條第六項相符茲據該知事詳請轉咨前來除批  
候咨 部核辦外相應抄錄原摺備文咨陳 大部查核辦理爲此咨陳

內務部總長

計咨陳清摺一合

湖南巡按使陶思澄

中華民國四年七月一日

湖南巡按使呈 大總統文

爲湖南辰沅道尹吳躍金奉 令授官恭詞代呈謝悃仰祈鑒核專竊于本月七日電傳奉

大總統策令王學曾杜光祐吳躍金呂春琯于蔭堂均授爲上大夫此令等因奉此當經思澄  
敬謹轉飭去後茲據詳稱伏念躍金曩膺民社旋領戎行厯贛鄂以從公毫無建白蒞辰沅而  
就職竟忝紓青已切慚惶莫由報稱乃更勸章晉錫嘉禾增上國之祥官秩榮膺執雁與會朝  
之列鴻施疊沛鼈戴尤殷惟有益策愚庸以期無負高厚所有躍金感激下忱謹備文詳請轉  
呈等情前來理合恭呈代陳仰祈      大總統鈎鑒訓示謹      呈

巡按使陶批

批湘江道尹攸縣知事詳復釐局詳報痞徒胡雨嵒等聚衆鬧局一案由

詳悉查湘省穀米雖已宣禁出口而本省境內仍准一律流通久經通飭遵照在案該縣素稱  
產米之區河道淺狹商民往來船隻容積極小僅能駛行於湘潭長沙一帶向無運貨出口之  
事此案船戶攜帶食米被痞徒胡雨嵒等聚衆攔阻既經釐局咨解到縣該知事自當查明數  
目若干是否裝運出口抑係專供食用再行酌量處理方爲正當辦法茲閱來詳於船戶之名  
字裝米之多寡概未敘及是該知事所根據者全係胡雨嵒等一面之詞實則於本案內容尙  
未調查明確不知該知事所稱親往查辦者係屬何事在釐局詳報各節本巡按使固不能全  
信爲實然參觀互証該知事偏執已見庇縱痞棍實屬無可諱言本應記過示懲姑念事屬因  
公寬免深究嗣後該知事對於權務事宜務須振刷精神竭力維持毋得仍前玩忽致干未便  
仰湘江道尹會同財政廳轉飭遵照此批

批水警廳詳請取消水警講習所名目由

詳悉高等巡警學校續招之水警科縮短期限改爲水警講習所以六個月爲畢業本屬權宜辦法既據該生等自請延長仍定爲一年畢業核與原案尙無不合應准照辦仰卽知照並轉咨高等巡警學校知照繳

批財政廳詳復信陽軍需局採運軍米擬請咨部轉飭停運由

詳悉查湘省上年迭被災浸收成歉薄現值青黃不接民食益屬不敷所有 財政部指定在湘訂購之軍米五萬包旣已如數運出自應停止續運以免恐慌仰候據情咨陳 財政陸軍兩部查照辦理此批

批兩警廳會詳傷兵行乞請予特沛恩施由

據詳已悉戰傷兵士或機能喪失或肢體不全日暮窮途沿街乞食情殊可矜恤銀旣經停止自己無可挽回查省城慈善事業原有養濟廢疾之舉劉前使曾飭湘江道尹等籌議慈善事業改良辦法尙未議復茲該戰傷兵士究應如何妥爲安置能否於廢疾院中安插仰候飭行該道尹等併案籌議具復察奪可也仍候 將軍署批示繳

批武陵道詳送警察學員曾紀華等三名請示遵由

詳及履歷均悉各道所送警察學員已經陸續咨送到京曾紀華等三名旣已到道仰卽傳諭該員等各備四寸相片三張送由該道尹先行詳實並飭兼程晋省聽候本使給咨送 部至

赴京川資前據財政廳核定每名酌給光洋三十圓應於領咨時一并發給併飭知照繳履歷存

批衡陽道尹詳衡山災情奇重請頒賑款由

據詳已悉衡山大災之後錢穀兩荒滿目瘡痍實深軫念該紳等原稟各節自屬實在情形但公家財政奇絀動支國稅限制綦嚴卽前所發去賑欵錢二千串尙係就地年禁烟罰欵存儲項下挪移抵銷茲所請頒賑欵錢陸千串未免過多仰候飭行財政廳撥發錢二千串以資賑糶之用卽出該道尹轉飭知照繳

批衡陽道尹詳賈桂陽縣禁煙查緝所辦事細則由

詳悉查所賈桂陽縣禁煙查緝所辦事細則核與定章尙無不合應准試辦候彙案咨陳內務部及法制局備案可也此繳細則存

批鳳凰知事詳請電飭芷江知事給發省倉穀碩由

據詳已悉查該縣請借領省分倉穀前據該知事會同湘西田鎮守使皓電稟署已經明晰電復並飭派員攜帶抵欵來省領運在撥不敷穀石以資接濟在案據詳前情所請加發該縣常平倉穀九百石應予照准仰卽查照辦理繳

批新化知事詳報到任日期并地方大概情形由

詳悉該縣當匪亂之後休養拊循地方官責無旁貸一切善後事宜仰卽妥爲擬辦隨時具報

七月九號

八

其損失公私名款及文卷槍械等件亦仰確查數目據實詳復以憑核辦此批

批攷取承審員張錫爵稟懇變通飭委由

稟悉前據譚景麟李兆蓉等先後稟陳到署當以攷取承審員爲法定資格之一種並非具有此項資格即須強制各縣知事詳請委用等語節次明白批示在案該員等近在省城豈竟毫無聞見乃呼朋引類更番迭進一再以請求委用來署瀆陳非謂知事引用私人卽謂法院不肯推薦甚至攻人之短炫己之長一似各縣承審之員非經考取舉無可以充任是選者士先氣節古有明訓似此舉止輕浮言論偏激無論其經驗學識若何而伐異黨同希榮干進奔競不已必事夤緣敗壞仕途何堪設想若不嚴加裁抑其何以澄叙官方仰候飭行高等審判廳嗣後對於各縣知事詳請委用攷取承審人員務須詳加攷察擇其品學兼優者方予委任毋使輕躁之徒濫竽倖進俾端士習藉挽澆風此批

## 內務

國民會議事務局籌備立法院事務局來電

各省巡按使鑒查立法院議員選舉法第一章選舉及被選舉資格施行細則第二十一條載本細則所稱之各種資格證明書俾於調查時須以依照法令貼有各額之印花者爲憑由調查員於印花騎縫上蓋用查訖戳記等語查此項戳記爲各種資格證明之據關係綦重現由本局擬定用一寸見方木質文用真書文曰某縣初選區選舉資格調查會調查員某人查訖應否由覆選監督刊就頒發抑由各該縣就近刊發均希各覆選監督體察地方情形酌量辦理合行通電查照辦理國民會議事務局籌備立法院事務局麻印



## 司法

湖南巡按使陶批

批行湘江道尹據湘潭譚吉庭等稟爲言三等殺斃伊弟一案飭縣立予訊結由稟悉查此案發生於三年五月至今一年之久因何延未判結前據該民等先後具控到署均經劉前使飭催訊辦在卷茲據前情仍仰湘江道尹轉飭湘潭縣知事迅卽遵照前今批飭秉公究結具報毋再延宕切切此批

批行辰沅道尹據鳳凰知事詳報黑土寨龍老蔣等家被匪燒搶情形由

據詳及圖冊均悉黑土寨被匪燒搶察奪情形難保非因仇圖報龍仁谷吳富天既均在嫌疑之列應再提案研訊務得實情期于無縱無枉一面督警會同該土守備嚴密購線緝拿迅日破獲免干查究是爲至要仰辰沅道尹轉飭遵照繳圖冊存

批高審廳據湘陰范會高稟控劉貞仕等謀殺伊子范中砥一案案重法輕由

稟悉此案該民對於鄰縣判決聲明不服上訴高等法院依法受理自應靜候審判惟據稱時逾三月何以迄未進行殊不可解案關人命未便任令拖延仰高等審判廳查核辦理詳復核奪此批副稟發

批衡陽道尹據新田縣知事詳報勘驗何禎祥家被盜情形由

據詳及圖冊均悉查何德功被匪戕斃失贓復達三千三百餘銀毫之多案情已極重大該何

七月九號

十

德功住宿莊屋攜有銀錢若遠來匪盜并無引線其將從何知之匪盜深夜驛至陳義龍何以  
知其來自北路此中均不無疑點來詳語極含糊殊屬疏忽亟令帶飭隊懸賞飛關隣封則不過  
照例之手續仍應遴派幹警暗訪明查務獲正盜真賊訊擬具報毋稍玩延至干查究仰衡陽  
道尹轉飭遵照繳圖冊存

# 教育

湖南巡按使公署飭

爲飭知事案准 教育部咨開准財政部咨開查官吏因公出差旅費規範業經本部呈准通行遵照在案該規則第九條內開官吏差竣應造具旅費支出計算書連同證憑單據送審計院審查等語此項旅費支出計算書自應釐定劃一格式俾免紛歧茲由本部製定旅費支出計算書式及旅費日記簿式並附登記方法以便出差人員按式編造登記除分行外相應咨行查照并轉行預算主管一體查照等因到部相應照印書式咨行查照可也等因准此

合行飭仰該

尹道  
校長即便

轉飭所屬各學校一體

查照此飭

計發冊一份

巡按使陶思澄

右飭

尹道  
省立各學校校長

准此

湖南巡

接使印

中華民國四年六月二十日

旅費日記簿

年 月 日

由某處至某處

別數

貨幣

目折合銀圓數目備

考

舟 款

車 費

費

膳 贻

宿 費

費

電 費

報 費

費

雜 費

費

合計是日共支銀圓

元 角 分

厘

以下按前式逐日登記

總計由某年 月 日起至某年 月 日止共支銀圓 元 角 分 厘

# 旅費支出計算書

由事差出

前項旅費共銀圓

說明

別銀 圓 數 目備

舟款 車 費

膳 宿 費

電 裙 費

雜 費

考

總

除

前領數  
支

外尙應

補領  
數

銀圓

元

角

分

厘

中 華 民 國 年 月 日

某 官 某

章記

附登記方法

一按照旅費規則第九條官吏差竣應造具旅費支出計算書茲製定前項計算書格式并附旅費日記簿格式應由出差人員依式編造登記連同證憑單據一併送核

一旅費日記簿係由出差人員自出差日起至差竣日止逐日將所支旅費按款分別登記旅費支出計算書係將日記簿所列款目之數彙總分別開列

一旅費支出計算書所列前領旅費應將准發數目及領款地點年月日於另行詳晰說明一旅費支出計算書及日記簿按照旅費規則第三條分爲舟車費膳宿費電報費雜費四款所有款下各項細目應由出差人員據實臚列

一旅費證憑單據所付款項如有非以銀圓計算者應將折合銀圓細數註明單據之上以備考核

一旅費證憑單據應編列號數於支出計算書備考欄內將號數分別詳註其事實上不能

取具單據者仍應於備考欄內聲敘確實理由

一旅費日記簿備考欄內應將一切情形及各種貨幣折合銀圓細數分別詳晰聲敘

一旅費支出計算書後應由出差人員填明官職姓名並鈐蓋章記

湖南巡按使公署咨覆 審計院文

爲咨覆事案准 貴院咨開現在正式豫算尙未成立本院審查京外各機關支出計算書向以財政部核定之豫算爲最要之根據其省地方行政經費中之無豫算可攷者亦必有該省長官核定之額支數目憑茲查各省所送教育機關支出計算書多有不填豫算數者亦未將核准立案之額支數目注明以資查攷本院未便遽予核銷致滋冒濫相應咨請貴巡按使迅飭承管人員將貴省所轄各項教育機關之支出豫算分配數或核准有案之額支數開列清冊送院以備查考等因准此查湘省二年度概算內列教育部所管之高等師範學校歲出經常費原定七萬六千四百一十七元七角附屬中學經費一萬一千三百五十元零三角附屬小學經費四千七百零四元又本校歲出臨時經費七千五百二十八元共計經常臨時兩項原列算銀十萬元相應將分配數目備文咨覆 貴院請煩查照此咨  
審計院

中華民國四年七月一日

湖南巡按使陶思澄

巡按使陶批

批茶陵知事高紹京詳爲捐貲興學據情轉詳請給獎由

詳表均悉該縣譚壽鍾等捐資興學實屬好義急公殊堪嘉尚惟所費事實表與部定表式不合譚大治譚雲笛二名業經身故而所捐學款又均祇一百餘元核與修正條例第四條捐資者身故亦得給獎之規定不合應即刪除并將表式更正費署以憑核辦仰即知照繳表發還

批私立楚怡甲種工業學校詳費金工科學生畢業表冊請查核轉寄由

詳及附件均悉該校金工科學生修業期滿業經劉前使咨經 教育部核准考試畢業所有考試及格各生畢業證書應准加蓋印信發由該校長轉給各生具領成績分數表冊亦應准予分別存咨再各該生證書年月上應補蓋校印併仰知照繳

批中華書局局長陸費逵呈小學教員講義懇提倡採購由

稟悉查閱所費小學教員講義搜羅宏富編輯精詳足爲造就師資之助仰候將簡章代登湖南政報俾各校自由購閱可也此批

小學教員講義簡章

師範爲教育之母本講義爲造就師範最簡捷最新穎之法故現任小學教員不可不讀有志爲小

學教員者不可不讀欲應檢定試驗者不可不讀

二二一年起二興學不易師資缺乏爲吾國今日最困難之問題查 教育部頒定師範學校令師範學校得

附設小學教員講習科師範學校規程第三章則又規定令省行政長官任規定講習科規程之責以後又迭有明令令各地籌設小學教員講習所然終苦於供不應求且在身任教育諸君日勞心力於教務斷無寬閒之歲月舍棄本業而致力於學且檢定教員規程不日即須實行將來各校教員非得檢定証書者無充任教員之資格敝社有鑒於此爰邀集同志照小學教員講習所程度編述講義其要點凡

#### 四

(甲) 輔助各地小學教員講習所並可充該所教科書

(乙) 供給身爲教員諸君之自修俾將來得應檢定試驗

(丙) 供給有志任教育諸君爲將來擔任教育職業之預備並得應檢定試驗

(丁) 鼓勵單級教授推行國民教育

二特色 本社刊行此項講義力求完善茲將特色錄左

(甲) 擔任講義諸君皆名譽夙著富有學識及經驗者茲將姓氏錄左

范源廉 沈思孚 袁希濤 楊保恒 周維城 李步青 王祖訓 林壬 吳家煦  
陸費逵 沈頤 姚漢章 戴克敦 張相 李廷翰 顧樹森 劉傳厚 潘武  
徐傳霖 徐增 方潤生

(乙) 本社各科講義於刊行之前多先送部審查其已奉審定者如左其餘亦陸續呈請審定

實用教育學講義

部批 自黑爾把德 *Education* 用心理學定教育方法以來教育始成科學此書分爲二編第

一編爲教育的心理學第二編爲教育學適合晏氏之說至說理透闡述辭簡明切於實用方為特  
實用管理法講義

部批 本書遵照本國教育法會參考外國教育制度加以編者實際經驗精心結集於實用上尤  
爲適宜

實用倫理學講義

部批 此書融和中外倫理學說提挈綱要注重實行文理亦簡明無礙順合講習科程度

實用算術講義

部批 總覽全書取教材及排列次序銜合教科之用

(丙)各科分量均稱適合小學教員講習所程度各縣開辦小學教員講習所者可即以此爲課本

(丁)與初高兩等小學教科書聯絡一致如將本講義修習既竟擔任小學教科自能游刃有餘

(戊)文筆雅達敘述簡明其有提出疑義相問難者本社並負解答之義務

(己)注重實用不涉空泛高遠

三科目 分爲三部

(甲)普通教育之部

一 實用教育學講義

二 實用管理法講義

三 實用教授法講義

四 兒童心理學講義

五 各科教授案

(乙) 單級教授之部

- 一 實用單級管理法講義
- 二 實用單級教授法講義
- 三 單級各科教授案
- 四 改良私塾法

(丙) 基本知識之部

- 一 實用修身講義
- 二 實用倫理講義
- 三 實用算術講義
- 四 實用歷史講義
- 五 實用地理講義
- 六 實用理科講義
- 七 實用體操講義

(丁) 附錄

- 一 各科教授方法之研究（如修身作法國文作法之類神各科教授法所不能詳者）
- 二 參觀各小學記

### 三 現行教育法令

四體裁 照叢報分期刊行月出一冊六個月出全第一期定於民國四年一月出版  
五款式 用四開大本每冊洋裝二百數十頁全書共計在六十萬字以上

大定價 每冊零售大洋六角預定全份六冊大洋三元郵費每冊五分

七考試 講義出全之後本社舉行畢業試驗試題揭登於第六冊凡購閱本講義全份者皆可應試其規則如左

(甲)各試卷須黏貼講義各冊附載之印花不貼者不收貼不全者不收

(乙)本社收錄試卷分別最優等優等中等於中華教育界發表

(丙)由本社特備現銀一千元中華書局書券三千元照等第分別給獎最優等第一名獎現銀四百元其

餘依次遞減優等中等各贈書券

八社所 附設上海東百老匯路八十八號中華書局編輯所委托上海拋球場中華書局及各省中華書局發行

上海小學教員講習社謹啓

批中華書局局長陸費逵稟呈樣書懇飭各處採用由稟悉所陳教科書各種蒐輯既富決擇亦精既經教育部審定仰候代登政報俾各校周知以便採用此批

附書目  
計開

新編初等小學修身教科書

新編初等小學修身教授書

新編初等小學國文教科書

新編初等小學國文教授書

新編初等小學算術教科書

新編初等小學算術教科書

新編初等小學修身教科書

新編初等小學修身教科書

新編高等小學修身教科書

新編高等小學修身教科書

新編高等小學算術教科書

新編高等小學算術教科書

新編高等小學歷史教科書

新編高等小學歷史教科書

新編高等小學理科教科書

新編高等小學理科教科書

新編高等小學理科教授書

以上共計十四種九十六冊

八冊

八冊

八冊

八冊

八冊

八冊

八冊

六冊

批衡陽縣知事據衡陽王鎮南等稟狀屏高小學校校長黃騏溺職取學請查撤由

襄縣督學衡陽道視學廖鑒楊葵等觀察報告書稱該校長黃顯人甚懶達舞事勤教各等語茲據各節與該視學等報告大相背馳究竟是否屬實抑係該民等有意傾陷仰該縣知事逐一確查詳復以憑核奪此批

批甯鄉縣知事甘鵬展詳爲陳報講演團業已遵飭設立由

詳悉該縣講演團業經成立並將閱報社附設於該團內仰卽督飭主管人員認真辦理毋託空言繳

批辰沅道詳核復中校應否改設洪江一案乞示由

詳悉據稱該聯合中校移駐洪江建築經費困難自係實情應如所議仍准設置靖縣就用原有校址以免紛更至該校開辦及常年等費既據酌予變通核定各縣分攤數目亦應照准備案仰卽轉飭各該縣遵照繳

附原詳

詳爲詳復事案奉鉤使批據會同縣詳爲集紳會議擬照綏甯士紳議決將中學校改設洪江一案乞不祇遵由奉批詳悉據稱十一聯合中校設立靖縣滯礙綦多擬照綏甯士紳議決將該中學改設洪江建築費及常年費除通道不能比例外擬由靖綏會三縣平均攤派各等情是否可行仰辰沅道尹核議具復再行飭遵繳原詳抄發等因奉此查第十一聯合中校常年經費需銀三千圓前經黃前道尹酌量各縣情形規定靖會兩縣每年各認一

千圓綏寧年籌七百圓通道年籌三百圓批飭遵照在案茲據靖會等縣士紳爭議空礙難行自應酌予變通俾資遵守除通道一縣仍照原議每年擔認三百圓其餘二千七百圓改由靖會綏三縣均攤每縣九百圓以昭平允其開辦費一項計需銀一千八百圓亦應由該三縣平均攤派每縣五百圓通道縣酌認三百圓以資補助至中學校校址移駐洪江雖爲交通便易起見而建築需費困難實多查學校地點以適合衛生爲主如果辦理完善彼莘莘學子卽航海梯山亦所樂從初非營業性質必須居於通都巨埠間也矧學款支紳遷徙爲艱與其另覓地點改弦更張何如就原有校址一仍舊貫之爲愈除據靖會兩縣詳同前由經道尹批行妥議具復外所有違飭核議各緣由理合詳請鈎使俯賜察核批示飭遵謹詳

湖南政報

教育

七月九號

二千四

## 雜件

### 長警記憶戶口規則（續）

四、各署辦理各項異動票須於十日內彙送本廳戶籍課由本廳戶籍員生將彙送各票分別考核後裝訂成冊存廳備查。

五、遷移異動尤宜格外注意不得稍有遺漏。

六、各項異動增減數目每屆月終須分別統計列表二份經署長核閱後以一份報廳一份存署。

七、中外別計及各項免許營業每屆月終均照前項分別列表統計存署報廳。

八、各署詳報月終異動比較及各項表冊應由行政科長督同戶籍科員分別製列總表詳送核閱。

第三十六條 本廳及各區戶籍員生對於左列各項務須詳細記憶

一本廳及該區各分署戶口總計分計數目

二、中外別計戶數人數及街道地址

三、旅館澡堂酒樓戲園妓館及輪碼頭羅行處數

四、本月內遷移戶數人數及男女增減總數

五、本月內出生死亡嫁娶繼嗣及旅行男女總數

第二十七條 本廳及各區戶籍員生能盡本規則第二十四條職務經該管官長查實詳報者均分別記功能全盡本規則第二十五條所規定各項職務經該管官長查實確無一項遺誤懈怠者均記大功

第二十八條 本廳及各區戶籍員生違犯本規則第二十四條經廳員或署長員查報者均分別記過違犯本規則第二十五條所規定各項經該管官長或廳員查報時均分別酌記大過

第二十九條 本規則所規定功過賞罰經廳員查報者各署長員均負連帶責任

第三十條 凡關於戶籍事項本規則所未及規定者得斟酌情形量予獎罰或隨時修改

第三十一條 本規則自發佈之日起即生效力

覆查戶口異動施行細則

民國四年六月十九日諒奉  
逕接使核准公布

第一條 本細則根據調查戶口及實行戶口異動各項章程擬定覆查手續以補不及月各署長警調查戶口除各項章程規定外其餘概遵本細則辦理

第二條 覆查戶口異動均以休息長警任之除星期日外每日輪派一班分查各該管戶口以三小時為限至輪查班次以及出查回署時間另表規定

未完

據汝城縣初選監督詳稱該初選區事務員傅遂忠前隸統一黨早經脫離合行登報聲明

湖南省覆選區選舉事務所啓

據新甯等縣初選監督詳稱各該初選區事務員劉滄等前隸共和黨早經脫離合行登報聲明

新寧縣事務員

劉滄

虞賡平

李良楨

武岡縣

劉澤林

城步縣

劉承祖

新田縣

王振基

永興縣

曹星曜

湖南省覆選區選舉事務所啓

據寶慶等縣初選監督詳稱各該初選區事務員覃叶庚等曾入進步黨現已違令脫離合行登報宣告

寶慶縣事務員

覃叶庚

何葆初

漁溪縣

羅英杰

綏甯縣

袁炳彪

永順縣

歐陽國屏

郴縣

張先覺

資興縣

曹蒸杰

汝城縣

何作霖

湖南省覆選區選舉事務所啓

本報緊要啓事

逕啓者頃查訂閱本報各處積欠報費甚多除各縣知事公署所欠報費已稟請 巡按使飭由財政廳一律扣繳外所有自本年一月四日起至六月三十日止各處積欠之報費郵費合行分別開單登報催繳務希于見報後從速寄交本處以清公歎至爲禱盼特啓

巡按使公署政報處

計開

辰沅道一份該洋四圓四角七分

衡陽道一份該洋四圓四角七分

武陵道一份該洋四圓四角七分

衡州澄湘水師司令部一份該洋四圓四角七分

岳沅水師統帶本部一份該洋四圓四角七分

岳沅水師第一營一份該洋四圓四角七分

岳沅水師第二營一份該洋四圓四角七分

洪江五區第一營一份該洋四圓四角七分

北河保商公團一份該洋二圓七角七分

胡桐琴一份該洋二圓九角一分

七月九號

二十八

寶慶派報社七份該洋十圓

靖港鹽局一份該洋四圓四角七分

衡州派報社五份該洋二十二圓二角 分

零陵第六聯合中學校一份該洋四圓四角七分

常德地方審判廳一份該洋一圓九角七分

汝城財產管理處一份該洋四圓四角七分

澧州中學校一份該洋四圓四角七分

零陵教員養成所一份該洋四圓四角七分

湘鄉張石遊一份該洋三元七角

衡陽王樹德堂一份該洋三元零七分

武岡保安局一份該洋四元四角七分

瀏陽彭含真堂一份該洋四元四角七分

平江李祖丹一份該洋二元六角

攸縣商務分會一份該洋四元四角七分

鄉縣普育學校一份該洋四元四角七分

衡陽第三師範學校一份該洋四元四角七分

靖港釐局一份該洋二元五角一分

栗梨市釐局一份該洋七角七分

永明羅洪泰號一份該洋四元四角七分

耒陽教育會一份該洋四元四角七分

常德第二師範學校一份該洋四元四角七分

天津沈悟盒一份該洋四元四角七分

藍山闡邑總局一份該洋四元四角七分

攸縣余鞠園主人一份該洋四元四角七分

益陽商務分會一份該洋四元四角七分

平江官礦局一份該洋四元四角七分

新江河釐局一份該洋四元四角七分

衡陽第三女子師範學校一份該洋四元四角七分

湘鄉高等小學校一份該洋四元四角七分

瀏陽益豐慶號一份該洋四元四角七分

茶陵教育會一份該洋三元四角七分

靖口警西區一份該洋一元一角四分

衡山鍾耕經堂一份該洋二元二角七分  
零陵中學校一份該洋三元三角

郴縣商務分會一份該洋二元三角七分

常德商業學校一份該洋二元四角七分

衡山釐局一份該洋一元三角一分

臨澧學董辦公處一份該洋三分

常寧童澤生一份該洋一元三角六分

湘鄉警察局一份該洋四角四分

辰州馮怡長堂一份該洋八角

永明監獄署一份該洋二元五角二分

安化第一高等小學校該洋三角八分

梨梨江女學校一份該洋九角六分

攸縣監獄廳一份該洋一圓八角三分

東安監獄廳一份該洋二圓二角五分

保靖監獄署一份該洋二圓二角五分

茶陵集益書局一份該洋六角八分

沅澧水上警察廳一份該洋一圓三角

零陵典獄廳一份該洋一角五分

醴陵榷運局一份該洋七角

湘陰水上警察廳一份該洋四角

寧遠教育會一份該洋一元五角一分

以上共該洋二百二十九圓三角四分

以上共存洋三十二圓八角八分

七月九號

三十二

廣告

謹擇陰曆五月十八

本號開設長沙省城太平門內金線巷新建西式門面坐南朝北專辦各種極

建福 賴萬盛煙號

品條絲照碼九扣一月承購煙一封附贈建麪二枚每逢朔望賜烟二百文亦

先行交易擇吉開張

贈一枚如蒙賜顧請認明壯丹圖條絲商標爲記庶不致悞 本主人謹啓

龍錦華繡業

本館開設湖南省黃道街商務印書館對門歷有數年經前清勸業道譚通飭各府州縣  
凡有研究刺繡須仿本館章程規範繡刺方法以期進步時局翻新日進文明歐西各國  
咸以工藝爲立國之基本主人不惜重資聘請女工專繡相片人物山水走獸翎毛並仿  
中外名人書畫古今法帖精益求精茲格外克己照碼七折以副諸君之雅意如蒙  
鑒賞卽乞惠臨本主人不勝歡迎也

湖南絲桐學社布告

保存國粹於萬一倘有同志者不棄枉顧實所懽迎同人謹啓

本社附設熊淵工業補習學校內在瀏陽門菜根香專收古琴研究古樂庶